

09      11/1

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17) i člana 85. Zakona o sportu – prečišćeni tekst („Službene novine Tuzlanskog kantona“, broj: 11/21), Vlada Tuzlanskog kantona, na sjednici održanoj dana 21.05.2024. godine, d o n o s i

## **O D L U K U**

**o utvrđivanju kriterija za dodjelu kantonalne nagrade, priznanja i stipendija za sport za 2024. godinu u Tuzlanskom kantonu**

### **I – OSNOVNE ODREDBE**

#### **Član 1.**

##### **(Predmet)**

Ovom odlukom utvrđuju se kategorije sportskih rezultata i uslovi za dodjelu nagrade, priznanja i stipendije za sport za 2024. godinu u Tuzlanskom kantonu (u daljem tekstu Kanton), te definira postupak, način dodjeljivanja i iznos nagrada i stipendija za ostvarene sportske rezultate, sa ciljem da podsticajno i selektivno utiču na razvoj sporta i sportskih dostignuća na području Kantona.

#### **Član 2.**

##### **(Kategorije)**

- (1) Vrhunskim sportskim rezultatima smatraju se rezultati ostvareni u seniorskoj kategoriji i to:
  - a) rezultati zaslužnih sportista koji se odnose na:
    - osvojeno I-III mjesto na Olimpijskim i Paraolimpijskim igrama,
    - osvojeno I-III mjesto na Svjetskom i Evropskom prvenstvu u sportskim disciplinama koje su na zvaničnom programu Olimpijskih/Paraolimpijskih igara u organizaciji Međunarodnog olimpijskog komiteta (IOC) i Međunarodnog paraolimpijskog komiteta (IPC),
  - b) rezultati vrhunskih sportista međunarodnog razreda koji se odnose na:
    - ispunjenu „A“ normu ili ostvaren plasman za učešće na Olimpijskim igrama,
    - ispunjenu normu ili ostvaren plasman za učešće na Paraolimpijskim igrama,
    - ostvaren plasman na Svjetsko prvenstvo u sportskim disciplinama koje su na zvaničnom programu Olimpijskih/Paraolimpijskih igara u organizaciji Međunarodnog olimpijskog komiteta (IOC) i Međunarodnog paraolimpijskog komiteta (IPC),
    - osvojeno IV-X mjesto na Evropskom prvenstvu u sportskim disciplinama koje su na zvaničnom programu Olimpijskih/Paraolimpijskih igara u organizaciji Međunarodnog olimpijskog komiteta (IOC) i Međunarodnog paraolimpijskog komiteta (IPC),
    - osvojeno I-III mjesto i ispunjena norma ili ostvaren plasman za učešće na Specijalnoj olimpijadi.
- (2) Zapaženim sportskim rezultatima smatraju se rezultati u seniorskoj kategoriji kako slijedi:
  - a) rezultati sportista međunarodnog „A“ razreda koji se odnose na:

- osvojeno I-III/IV mjesto na klupskom Evropskom prvenstvu prvog nivoa<sup>1</sup> u sportskim disciplinama koje su na zvaničnom programu Olimpijskih/Paraolimpijskih igara,
- b) rezultati sportista međunarodnog „B“ razreda koji se odnose na:
  - osvojeno I-III mjesto na Mediteranskim igrama,
  - osvojeno I-III/IV mjesto na klupskom Evropskom prvenstvu drugog nivoa<sup>2</sup> u sportskim disciplinama koje su na zvaničnom programu Olimpijskih/Paraolimpijskih igara,
- c) rezultati sportista međunarodnog „C“ razreda koji se odnose na:
  - osvojeno I-III mjesto na zvaničnim Svjetskim i Evropskim prvenstvima<sup>3</sup>, u sportskim disciplinama koje nisu na zvaničnom programu Olimpijskih igara a koje su u nadležnosti međunarodnog sportskog saveza kojeg priznaje Globalna asocijacija međunarodnih sportskih federacija (GAISF),
  - osvojeno IV-X mjesto na Mediteranskim igrama.
- d) rezultati sportista međunarodnog „D“ razreda koji se odnose na:
  - osvojeno IV-X na Svjetskom prvenstvu<sup>3</sup> u sportskim disciplinama koje nisu na zvaničnom programu Olimpijskih igara a koje su u nadležnosti međunarodnog sportskog saveza kojeg priznaje Globalna asocijacija međunarodnih sportskih federacija (GAISF),
  - osvojeno IV-X mjesto na Evropskom prvenstvu<sup>3</sup> u sportskim disciplinama koje nisu na zvaničnom programu Olimpijskih igara a koje su u nadležnosti međunarodnog sportskog saveza kojeg priznaje Globalna asocijacija međunarodnih sportskih federacija (GAISF).
- e) rezultati sportista nacionalne „A“ klase koji se odnose na rezultate potvrđene od strane državnog sportskog saveza u određenoj grani sporta u sportskim disciplinama koje su na zvaničnom programu Olimpijskih/Paraolimpijskih igara:
  - osvojeno I mjesto na završnici Premijer lige/najvišem nivou takmičenja organizovanom na nivou BiH u ekipnim sportovima,
  - osvojeno I mjesto u KUP-u BiH u ekipnim sportovima,
  - osvojeno I mjesto na zvaničnom državnom prvenstvu na nivou BiH/Premijer ligi u individualnim sportovima,
  - ispunjena norma ili ostvaren plasman za učešće na klupskom Evropskom prvenstvu prvog nivoa<sup>1</sup>.
- f) rezultati sportista nacionalne „B“ klase koji se odnose na rezultate potvrđene od strane državnog sportskog saveza u određenoj grani sporta u sportskim disciplinama koje su na zvaničnom programu Olimpijskih/Paraolimpijskih igara:
  - osvojeno II-III mjesto na završnici Premijer lige/najvišem nivou takmičenja organizovanom na nivou BiH u ekipnim sportovima,
  - osvojeno II mjesto u KUP-u BiH u ekipnim sportovima,
  - osvojeno II mjesto na zvaničnom državnom prvenstvu BiH na nivou BiH/Premijer ligi u individualnim sportovima,
  - ispunjena norma ili ostvaren plasman za učešće na klupskom Evropskom prvenstvu drugog nivoa<sup>2</sup>.

<sup>1</sup> Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona, KUP prvaka i slično u zavisnosti od sportske discipline)

<sup>2</sup> Klupsko evropsko prvenstvo drugog nivoa podrazumijeva takmičenja u organizaciji odgovarajuće evropske sportske asocijacije (KUP kupova, Liga Evrope, KUP EHF, KUP CEV i slično u zavisnosti od sportske discipline),

<sup>3</sup> Vrednuje se Svjetsko prvenstvo na kojem je učešće uzelo najmanje 50 zemalja i Evropsko prvenstvo na kojem je učešće uzelo najmanje 25 zemalja.

- g) rezultati sportista nacionalne „C“ klase koji se odnose na rezultate potvrđene od strane državnog sportskog saveza u određenoj grani sporta u sportskim disciplinama koje nisu na zvaničnom programu Olimpijskih igara a koje su u nadležnosti međunarodnog sportskog saveza kojeg priznaje Globalna asocijacija međunarodnih sportskih federacija (GAISF):
- osvojeno I mjesto na završnici Premijer lige/najvišem nivou takmičenja organizovanom na nivou BiH u ekipnim sportovima,
  - osvojeno I mjesto u KUP-u BiH u ekipnim sportovima,
  - osvojeno I mjesto na zvaničnom državnom prvenstvu na nivou BiH/Premijer ligi u individualnim sportovima.
- h) rezultati sportista nacionalne „D“ klase koji se odnose na rezultate potvrđene od strane državnog sportskog saveza u određenoj grani sporta u sportskim disciplinama koje nisu na zvaničnom programu Olimpijskih igara a koje su u nadležnosti međunarodnog sportskog saveza kojeg priznaje Globalna asocijacija međunarodnih sportskih federacija (GAISF):
- osvojeno II-III mjesto na završnici Premijer lige/najvišem nivou takmičenja organizovanom na nivou BiH u ekipnim sportovima,
  - osvojeno II mjesto u KUP-u BiH u ekipnim sportovima,
  - osvojeno II mjesto na zvaničnom državnom prvenstvu na nivou BiH/Premijer ligi u individualnim sportovima.
- (3) Perspektivnim sportskim rezultatima<sup>4</sup> smatraju se rezultati ostvareni u mlađim seniorima ili juniorskoj ili kadetskoj ili pionirskoj kategoriji:
- a) rezultati perspektivnih sportista međunarodnog „E“ razreda u sportskim disciplinama koje su na zvaničnom programu Olimpijskih/Paraolimpijskih igara u organizaciji Međunarodnog olimpijskog komiteta (IOC) i Međunarodnog paraolimpijskog komiteta (IPC) koji se odnose na:
- osvojeno I-III mjesto na Olimpijskim igrama za mlade,
  - osvojeno I-III mjesto na Evropskim olimpijskim igrama za mlade,
  - osvojeno I-III mjesto na Svjetskom i Evropskom prvenstvu,
  - osvojeno I-III/IV mjesto na klupskom Evropskom prvenstvu prvog nivoa<sup>1</sup>.
- b) rezultati perspektivnih sportista međunarodnog „F“ razreda u sportskim disciplinama koje su na zvaničnom programu Olimpijskih/Paraolimpijskih igara u organizaciji Međunarodnog olimpijskog komiteta (IOC) i Međunarodnog paraolimpijskog komiteta (IPC) koji se odnose na:
- ispunjena norma ili ostvaren plasman za učešće na Olimpijskim igrama za mlade i Evropskim olimpijskim igrama za mlade,
  - ispunjena norma ili ostvaren plasman za učešće na Svjetskom prvenstvu,
  - osvojeno IV-X mjesto na Evropskom prvenstvu,
  - ispunjena norma ili ostvaren plasman za učešće na klupskom Evropskom prvenstvu prvog nivoa<sup>1</sup>.
- c) rezultati perspektivnih sportista međunarodnog „G“ razreda u sportskim disciplinama koje nisu na zvaničnom programu Olimpijskih igara a koje su u nadležnosti međunarodnog sportskog saveza kojeg priznaje Globalna asocijacija međunarodnih sportskih federacija (GAISF) koji se odnose na:
- osvojeno I-III mjesto na zvaničnim Svjetskim i Evropskim prvenstvima<sup>3</sup>.
- d) rezultati perspektivnih sportista međunarodnog „H“ razreda u sportskim disciplinama koje nisu na zvaničnom programu Olimpijskih igara a koje su u

<sup>4</sup> Rezultati sportista koji se odnose na Olimpijske igre za mlade i Evropske olimpijske igre za mlade vrednuju se za sve učesnike jednako bez obzira da li se radi o sportovima koji su na zvaničnom programu Olimpijskih igara ili nisu.

- nadležnosti međunarodnog sportskog saveza kojeg priznaje Globalna asocijacija međunarodnih sportskih federacija (GAISF) koji se odnose na:
- osvojeno IV-X mjesto na zvaničnim Svjetskim i Evropskim prvenstvima<sup>3</sup>.
- e) rezultati perspektivnih sportista nacionalnog razreda u sportskim disciplinama koje su na zvaničnom programu Olimpijskih/Paraolimpijskih igara u organizaciji Međunarodnog olimpijskog komiteta (IOC) i Međunarodnog paraolimpijskog komiteta (IPC) koji se odnose na<sup>5</sup>:
- osvojeno I-II mjesto na završnici Premijer lige/najvišem nivou takmičenja organizovanom na nivou BiH u ekipnim sportovima,
  - osvojeno I-II mjesto na zvaničnom državnom prvenstvu na nivou BiH/Premijer ligi u individualnim sportovima,
  - nastup za reprezentaciju Bosne i Hercegovine na zvaničnim svjetskim i evropskim prvenstvima.
- f) ostali rezultati perspektivnih sportista koji se odnose na<sup>5</sup>:
- osvojeno I-II mjesto na završnici Premijer lige/državnom prvenstvu Bosne i Hercegovine u sportskim disciplinama koje nisu na zvaničnom programu Olimpijskih igara a koje su u nadležnosti međunarodnog sportskog saveza kojeg priznaje Globalna asocijacija međunarodnih sportskih federacija (GAISF),
  - nastup za reprezentaciju Bosne i Hercegovine na Svjetskim i Evropskim prvenstvima<sup>3</sup>, u sportskim disciplinama koje nisu na zvaničnom programu Olimpijskih igara a koje su u nadležnosti međunarodnog sportskog saveza kojeg priznaje Globalna asocijacija međunarodnih sportskih federacija (GAISF).
- (4) Studentskim sportskim rezultatima smatra se osvojeno I-III mjesto na završnici Univerzijade ili Svjetskom studentskom prvenstvu.
- (5) Školskim sportskim rezultatima smatra se osvojeno prvo mjesto na zvaničnom školskom takmičenju osnovnih i srednjih škola organiziranom na nivou Kantona, Federacije BiH i Bosne i Hercegovine.
- (6) Sportskim rezultatima specijalne olimpijade smatraju se osvojene medalje sa zvaničnih svjetskih i evropskih prvenstava specijalne olimpijade i državnih prvenstava 1. kategorije.
- (7) Izrazi koji se koriste za fizička lica, a koji su u ovoj odluci naznačeni u muškom rodu su neutralni i odnose se na oba spola.
- (8) Ekipnim sportovima smatraju se: fudbal, košarka, rukomet, odbojka, futsal, hokej, ragbi, vaterpolo, sjedeća odbojka, košarka u kolicima, fudbal sa 5 i 7 igrača, golbal i drugi ekipni sportovi.
- (9) Individualnim sportovima smatraju se: atletika, plivanje, tenis, gimnastika, stoni tenis, hrvanje, džudo, streljaštvo, boks, kik boks, karate, skijanje, kuglanje, sportski ples i drugi individualni sportovi.

## II – USLOVI ZA DODJELU NAGRADE I STIPENDIJE

### Član 3.

#### (Pravo i uslovi za dodjelu nagrade)

- (1) Nagrade se dodjeljuju u obliku novčane nagrade i priznanja za postignute rezultate na sportskim takmičenjima.

---

<sup>5</sup> Vrednuju se rezultati u sportskim disciplinama onih saveza koji imaju uređen sistem takmičenja na državnom nivou.

- (2) Pravo na dodjelu nagrade imaju sportisti i treneri za ostvarene vrhunske sportske rezultate i zapažene sportske rezultate sportista međunarodnog „A“ i međunarodnog „B“ razreda.
- (3) Sportista koji je ostvario vrhunske sportske rezultate mora ispunjavati sljedeće uslove za dodjelu nagrade:
  - a) da je državljanin Bosne i Hercegovine i da nije mijenjao državljanstvo,
  - b) da ima mjesto prebivališta na području Kantona,
  - c) da je rezultat ostvario kao član reprezentacije Bosne i Hercegovine,
  - d) da je registrovan u skladu sa pravilima određene grane sporta,
  - e) da je u vrijeme ostvarenog rezultata aktivni član sportske organizacije sa područja Kantona sa kojom ima potpisan ugovor u skladu sa Zakonom o sportu – prečišćeni tekst („Službene novine Tuzlanskog kantona“, broj: 11/21 - u daljem tekstu: Zakon),
  - f) da mu je utvrđena zdravstvena sposobnost za obavljanje sportskih aktivnosti u skladu sa Zakonom.
- (4) Sportista koji je ostvario zapažene sportske rezultate međunarodnog „A“ i međunarodnog „B“ razreda mora ispunjavati sljedeće uslove za dodjelu nagrade:
  - a) da je državljanin Bosne i Hercegovine i da nije mijenjao državljanstvo,
  - b) da ima mjesto prebivališta na području Kantona,
  - c) da je rezultat ostvario kao član sportske organizacije sa područja Kantona sa kojom ima potpisan ugovor u skladu sa Zakonom,
  - d) da je registrovan u skladu sa pravilima određene grane sporta,
  - e) da mu je utvrđena zdravstvena sposobnost za obavljanje sportskih aktivnosti u skladu sa Zakonom.
- (5) Trener mora ispunjavati sljedeće uslove za dodjelu nagrade:
  - a) da je državljanin Bosne i Hercegovine i da nije mijenjao državljanstvo,
  - b) da ima mjesto prebivališta na području Kantona,
  - c) da je rezultat ostvario kao trener reprezentacije Bosne i Hercegovine ili kao član sportske organizacije sa područja Kantona,
  - d) da je u vrijeme ostvarenog rezultata trener u sportskoj organizaciji sa područja Kantona sa kojom ima potpisan ugovor u skladu sa Zakonom,
  - e) da mu je utvrđena zdravstvena sposobnost za obavljanje sportskih aktivnosti u skladu sa Zakonom.
- (6) Pravo na dodjelu nagrade nemaju:
  - a) lica koja se prema članu 66. Zakona ne mogu baviti sportom,
  - b) sportisti koji imaju potpisan profesionalni ugovor sa sportskom organizacijom,
  - c) lica koja su ostvarila pravo na nagradu ili stipendiju u istoj godini ili za isti rezultat sa drugog nivoa administrativnog organizovanja,
  - d) lica kojima je izrečena pravosnažna mjera zabrane takmičenja od strane evropske i svjetske sportske federacije,
  - e) lica kojima je izrečena pravosnažna kazna zbog kršenja antidoping pravila,
  - f) lica koja primaju ili su primila naknadu za ostvarene rezultate u istoj godini ili za isti rezultat od bilo kojeg drugog organa uprave ili drugog nivoa administrativnog organizovanja.
- (7) Pravo na dodjelu priznanja nemaju:
  - a) lica koja se prema članu 66. Zakona ne mogu baviti sportom,
  - b) lica kojima je izrečena pravosnažna mjera zabrane takmičenja od strane evropske i svjetske sportske federacije,
  - c) lica kojima je izrečena pravosnažna kazna zbog kršenja antidoping pravila.

#### Član 4.

##### (Pravo i uslovi za dodjelu stipendije)

- (1) Stipendije se dodjeljuju u novčanom obliku sportisti i treneru za postignute rezultate na sportskim takmičenjima.
- (2) Pravo na dodjelu stipendije ima sportista, trener i trener - profesor/nastavnik koji je ostvario:
  - a) zapažene sportske rezultate, izuzev rezultata iz člana 2. stav (2) tačke a) i b), ili
  - b) perspektivne sportske rezultate ili
  - c) sportske rezultate specijalne olimpijade ili
  - d) studentske sportske rezultate ili
  - e) školske sportske rezultate.
- (3) Sportista koji je ostvario zapažene ili perspektivne ili sportske rezultate specijalne olimpijade mora ispunjavati sljedeće uslove za dodjelu stipendije:
  - a) da je državljanin Bosne i Hercegovine i da nije mijenjao državljanstvo,
  - b) da je u 2023. godini rezultat ostvario kao član reprezentacije Bosne i Hercegovine i da ima mjesto prebivališta na području Kantona ili da je u 2023. godini rezultat ostvario kao član sportske organizacije sa područja Kantona,
  - c) da je u vrijeme ostvarenog rezultata aktivni član sportske organizacije sa područja Kantona sa kojom ima potpisan ugovor u skladu sa Zakonom,
  - d) da je registrovan u skladu sa pravilima određene grane sporta,
  - e) da mu je utvrđena zdravstvena sposobnost za obavljanje sportskih aktivnosti u skladu sa Zakonom.
- (4) Sportista koji je ostvario studentske ili školske sportske rezultate mora ispunjavati sljedeće uslove za dodjelu stipendije:
  - a) da je državljanin Bosne i Hercegovine,
  - b) da je u akademskoj 2023/2024 godini bio student u nekoj od akreditovanih ustanova visokog obrazovanja na području Kantona i da je u akademskoj 2023/2024 godini kao član ekipe ispred ustanove visokog obrazovanja čiji je student nastupao na završnici zvaničnog takmičenja Univerzijade ili Svjetskom studentskom prvenstvu i da je ostvario studentske sportske rezultate ili
  - c) da je u školskoj 2023/2024 godini bio učenik u nekoj od ustanova osnovnog ili srednjeg obrazovanja na području Kantona i da je u školskoj 2023/2024 godini kao član školske sportske ekipe obrazovne ustanove čiji je učenik nastupao na nekom od zvaničnih školskih sportskih takmičenja čije su završnice organizovane na nivou Kantona, Federacije Bosne i Hercegovine i Bosne i Hercegovine i da je ostvario školske sportske rezultate.
- (5) Trener koji je ostvario zapažene ili perspektivne ili sportske rezultate specijalne olimpijade mora ispunjavati sljedeće uslove za dodjelu stipendije:
  - a) da je državljanin Bosne i Hercegovine i da nije mijenjao državljanstvo,
  - b) da je u 2023. godini rezultat ostvario kao trener reprezentacije Bosne i Hercegovine i da ima mjesto prebivališta na području Kantona ili da je u 2023. godini rezultat ostvario kao trener sportske organizacije sa područja Kantona,
  - c) da je u vrijeme ostvarenog rezultata trener u sportskoj organizaciji sa područja Kantona sa kojom ima potpisan ugovor u skladu sa Zakonom,
  - d) da mu je utvrđena zdravstvena sposobnost za obavljanje sportskih aktivnosti u skladu sa Zakonom.
- (6) Trener profesor/nastavnik koji je ostvario studentske ili školske sportske rezultate mora ispunjavati sljedeće uslove za dodjelu stipendije:
  - a) da je državljanin Bosne i Hercegovine,

- b) da je u akademskoj 2023/2024 godini bio zaposlen kao profesor u nekoj od akreditovanih ustanova visokog obrazovanja na području Kantona i da je u akademskoj 2023/2024 godini kao profesor sportske ekipe ustanove visokog obrazovanja čiji je zaposlenik nastupao na Univerzijadi ili Svjetskom studentskom prvenstvu i da je sa istom ekipom ostvario studentske sportske rezultate ili
  - c) da je u školskoj 2023/2024 godini bio zaposlen kao profesor/nastavnik u nekoj od ustanova osnovnog ili srednjeg obrazovanja na području Kantona i da je u školskoj 2023/2024 godini kao profesor/nastavnik školske sportske ekipe u obrazovnoj ustanovi čiji je zaposlenik nastupao na nekom od zvaničnih školskih sportskih takmičenja čije su završnice organizovane na nivou Kantona, Federacije Bosne i Hercegovine i Bosne i Hercegovine i da je sa istom ekipom ostvario školske sportske rezultate.
- (7) Pravo na dodjelu stipendije nemaju:
- a) sportisti i treneri koji su ostvarili rezultate u kategorijama mlađim od 12 godina, izuzev sportista i trenera profesora/nastavnika koji su ostvarili školske sportske rezultate,
  - b) lica koja imaju potpisan profesionalni ugovor sa sportskom organizacijom,
  - c) lica koja se prema članu 66. Zakona ne mogu baviti sportom,
  - d) lica kojima je izrečena pravosnažna mjera zabrane takmičenja od strane evropske i svjetske sportske federacije,
  - e) lica kojima je izrečena pravosnažna kazna zbog kršenja antidoping pravila,
  - f) lica kojima je dodijeljena sportska nagrada za istu sezonu,
  - g) lica koja su ostvarila pravo na nagradu ili stipendiju ili primaju ili su primila naknadu za ostvarene sportske rezultate u istoj godini ili za isti rezultat od bilo kojeg drugog organa uprave ili drugog nivoa administrativnog organizovanja.
- (8) Lica koja budu dostavila neistinite podatke o ostvarenim rezultatima neće imati pravo da podnose zahtjeve za dodjelu nagrada i stipendija četiri godine od dana kada se utvrdi da dostavljeni rezultat nije istinit i biće im utvrđena obaveza vraćanja dodijeljenih sredstava.

### III – VREDNOVANJE OSTVARENOG REZULTATA

#### Član 5.

##### (Iznosi nagrade)

- (1) Novčane nagrade dodjeljuju se u jednokratnom ukupnom iznosu kako slijedi:
  - a) Zaslužni sportista ostvaruje pravo na nagradu u rasponu od 6.000,00 KM do 10.000,00 KM,
  - b) Vrhunski sportista međunarodnog razreda, sportista međunarodnog „A“ i međunarodnog „B“ razreda ostvaruje pravo na nagradu u rasponu od 4.000,00 KM do 6.000,00 KM.
- (2) Iznosi se utvrđuju na osnovu planiranih sredstava u budžetu i u zavisnosti od redoslijeda prema kategorijama iz člana 2. ove Odluke.
- (3) U slučaju da se iznos po jednom od osnova iz stava (1) ovog člana dodijeli u iznosu manjem od maksimalno navedenog, srazmjerno se smanjuju i ostali iznosi za dodjele nagrada u zavisnosti od redoslijeda prema kategorijama iz člana 2. ove Odluke.
- (4) Sportista/trener može ostvariti novčanu nagradu samo po osnovu jednog rezultata u toku godine.
- (5) Iznosi za rezultate ostvarene ekipno u individualnim sportovima se umanjuju za 50%.
- (6) Iznosi za ostvarene rezultate trenera umanjuju se za 50% od iznosa za sportistu.

## **Član 6.**

### **(Iznosi stipendije za zapažene sportske rezultate)**

- (1) Stipendije za zapažene sportske rezultate se dodjeljuju u jednokratnom ukupnom iznosu kako slijedi:
  - a) Sportista međunarodnog „C“ razreda ostvaruje pravo na stipendiju do 5.000,00 KM godišnje,
  - b) Sportista međunarodnog „D“ razreda ostvaruje pravo na stipendiju do 4.000,00 KM godišnje,
  - c) Sportista nacionalne „A“ klase ostvaruje pravo na stipendiju do 3.500,00 KM godišnje,
  - d) Sportista nacionalne „B“ klase ostvaruje pravo na stipendiju do 2.500,00 KM godišnje,
  - e) Sportista nacionalne „C“ klase ostvaruje pravo na stipendiju do 1.500,00 KM godišnje,
  - f) Sportista nacionalne „D“ klase ostvaruje pravo na stipendiju do 1.200,00 KM godišnje.
- (2) Iznosi se utvrđuju na osnovu planiranih sredstava u budžetu i u zavisnosti od redoslijeda prema kategorijama iz člana 2. ove Odluke.
- (3) U slučaju da se iznos po jednom od osnova iz stava (1) ovog člana dodijeli u iznosu manjem od maksimalno navedenog, srazmjerno se smanjuju i ostali iznosi za dodjele stipendije u zavisnosti od redoslijeda prema kategorijama iz člana 2. ove Odluke.
- (4) Sportista/trener može ostvariti stipendiju samo po osnovu jednog rezultata ostvarenog u 2023. godini.
- (5) Iznosi za rezultate ostvarene ekipno u individualnim sportovima se umanjuju za 50%.
- (6) Iznosi za ostvarene rezultate trenera umanjuju se za 50% od iznosa za sportistu.

## **Član 7.**

### **(Iznosi stipendije za perspektivne sportske rezultate)**

- (1) Stipendije za perspektivne sportske rezultate se dodjeljuju u jednokratnom ukupnom iznosu za sportistu kako slijedi:
  - a) Sportista međunarodnog „E“ razreda ostvaruje pravo na stipendiju do 5.000,00 KM godišnje,
  - b) Sportista međunarodnog „F“ razreda ostvaruje pravo na stipendiju do 4.000,00 KM godišnje,
  - c) Sportista međunarodnog „G“ razreda ostvaruje pravo na stipendiju do 2.500,00 KM godišnje,
  - d) Sportista međunarodnog „H“ razreda ostvaruje pravo na stipendiju do 1.500,00 KM godišnje,
  - e) Sportista nacionalnog razreda u kategoriji mlađi seniori i juniori ostvaruje pravo na stipendiju do 1.200,00 KM godišnje,
  - f) Sportista nacionalnog razreda u kadetskoj i pionirskoj kategoriji ostvaruje pravo na stipendiju do 600,00 KM godišnje,
  - g) Sportista sa ostvarenim ostalim rezultatima u kategoriji mlađi seniori i juniori ostvaruje pravo na stipendiju do 1.000,00 KM godišnje,
  - h) Sportista sa ostvarenim ostalim rezultatima u kadetskoj i pionirskoj selekciji ostvaruje pravo na stipendiju do 400,00 KM godišnje.
- (2) Iznosi se utvrđuju na osnovu planiranih sredstava u budžetu i u zavisnosti od redoslijeda prema kategorijama iz člana 2. ove Odluke i od starosne kategorije.



- (3) U slučaju da se iznos po jednom od osnova iz stava (1) ovog člana dodijeli u iznosu manjem od maksimalno navedenog, srazmjerno se smanjuju i ostali iznosi za dodjele stipendije u zavisnosti od redoslijeda prema kategorijama iz člana 2. ove Odluke.
- (4) Sportista/trener može ostvariti stipendiju samo po osnovu jednog rezultata ostvarenog u 2023. godini.
- (5) Iznosi za ostvarene ekipne rezultate u individualnim sportovima se umanjuju za 50%.
- (6) Iznosi za ostvarene rezultate trenera umanjuju se za 50% od iznosa za sportistu.

#### **Član 8.**

##### **(Iznosi stipendije za rezultate specijalne olimpijade)**

- (1) Stipendije za sportske rezultate specijalne olimpijade se dodjeljuju u jednokratnom ukupnom iznosu za sportistu kako slijedi:
  - a) Sportista za sportske rezultate specijalne olimpijade ostvaruje pravo na stipendiju do 2.000,00 KM godišnje.
- (2) Iznosi se utvrđuju na osnovu planiranih sredstava u budžetu, u zavisnosti od nivoa sportskog takmičenja.
- (3) Sportista/trener može ostvariti stipendiju samo po osnovu jednog rezultata ostvarenog u 2023. godini.
- (4) Iznosi za ostvarene ekipne rezultate u individualnim sportovima se umanjuju za 50%.
- (5) Iznosi za ostvarene rezultate trenera umanjuju se za 50% od iznosa za sportistu.

#### **Član 9.**

##### **(Iznosi stipendije za studentske i školske sportske rezultate)**

- (1) Stipendije za studentske ili školske sportske rezultate se dodjeljuju u jednokratnom ukupnom iznosu za sportistu i trenera profesora/nastavnika kako slijedi:
  - a) Za ostvarene studentske sportske rezultate ostvaruje pravo na stipendiju do 600,00 KM godišnje,
  - b) Za ostvarene školske sportske rezultate ostvaruje pravo na stipendiju do 300,00 KM godišnje.
- (2) Iznosi se utvrđuju na osnovu planiranih sredstava u budžetu, u zavisnosti od nivoa takmičenja i u zavisnosti od toga da li učenik pohađa osnovnu ili srednju školu.
- (3) U slučaju da se iznos po jednom od osnova iz stava (1) ovog člana dodijeli u iznosu manjem od maksimalno navedenog, srazmjerno se smanjuju i ostali iznosi za dodjele stipendije u zavisnosti od redoslijeda prema kategorijama iz člana 2. ove Odluke.
- (4) Sportista i trener profesor/nastavnik može ostvariti stipendiju samo po osnovu jednog rezultata ostvarenog u akademskoj/školskoj 2023/2024 godini.
- (5) Iznosi za ostvarene ekipne rezultate u individualnim sportovima se umanjuju za 50%.

#### **IV – PRIJAVLJIVANJE I NAČIN DODJELE SREDSTAVA**

#### **Član 10.**

##### **(Način prijavljivanja za dodjelu nagrade)**

- (1) Novčane nagrade se dodjeljuju na osnovu zahtjeva sportiste ili sportske organizacije na način utvrđen ovom odlukom iz sredstava utvrđenih u Budžetu

Kantona, u razdjelu Ministarstva za kulturu, sport i mlade (u daljem tekstu Ministarstvo).

- (2) Nedostajuća finansijska sredstva, u slučaju ispunjavanja uslova za dodjelu nagrade, obezbjediti će se unutrašnjom preraspodjelom ili će se doznačiti iz sredstava tekuće rezerve.
- (3) Zahtjev za dodjelu nagrade za vrhunske sportske rezultate može podnijeti sportista, zakonski zastupnik/roditelj/staratelj ako se radi o maloljetnoj osobi, trener ako se nagrada odnosi na rezultat trenera i matična sportska organizacija sportiste u čije ime se podnosi prijava. Zahtjev sadrži osnovne podatke o sportisti, podatke o ostvarenom rezultatu i potpis podnosioca zahtjeva, uz koji se obavezno dostavlja dokumentacija navedena u članu 12. stav 1. ove Odluke.
- (4) Zahtjevi se podnose Ministarstvu u roku od 60 dana od dana završetka takmičenja.
- (5) Ministarstvo će u roku od 15 dana od dana prijema zahtjeva utvrditi da li su ispunjeni uslovi za dodjelu nagrade.
- (6) Odluku o dodjeli nagrade donosi Vlada Tuzlanskog kantona (u daljem tekstu Vlada Kantona) na prijedlog Ministarstva.
- (7) Ministarstvo je obavezno izraditi priznanje i voditi evidenciju o dodijeljenim nagradama.

#### **Član 11.**

##### **(Način prijavljivanja za dodjelu stipendije)**

- (1) Stipendije se dodjeljuju na način utvrđen ovom odlukom iz sredstava utvrđenih u Budžetu Kantona, u razdjelu Ministarstva.
- (2) U slučaju nedostatka sredstava u Budžetu Kantona ista je moguće obezbjediti unutrašnjom preraspodjelom. Ukoliko ne bude moguće na taj način obezbjediti nedostajuća sredstva obustavlja se realizacija dodjele sredstava u potpunosti ili djelimično, srazmjerno nedostajućim sredstvima.
- (3) Odabir korisnika za dodjelu stipendija za ostvarene zapažene ili perspektivne ili sportske rezultate specijalne olimpijade vrši Ministarstvo putem Javnog poziva za dodjelu sportskih stipendija (u daljem tekstu: Javni poziv).
- (4) Javni poziv se objavljuje na web stranicama Ministarstva i Vlade Kantona.
- (5) Podnosilac prijave za dodjelu stipendije može biti sportista, zakonski zastupnik/roditelj/staratelj ako se radi o maloljetnoj osobi, trener ako se stipendija odnosi na rezultat trenera i matična sportska organizacija sportiste u čije ime se podnosi prijava.
- (6) Prijava se podnosi na „Prijavnom obrascu za dodjelu sportskih stipendija za sportistu“ i „Prijavnom obrascu za dodjelu sportskih stipendija za trenera“ koji su sastavni dio ove Odluke i uz koji se obavezno dostavlja dokumentacija navedena u članu 12. stav (2) ove Odluke.
- (7) Postupak po Javnom pozivu provodi Komisija za dodjelu sportskih stipendija (u daljem tekstu: Komisija) koju imenuje Ministarstvo. Komisiju čini 5 članova, predstavnika Ministarstva, Sportskog saveza Kantona, Sportskog saveza lica sa invaliditetom Kantona i iz reda istaknutih sportista ili sportskih radnika ili sportskih stručnjaka.
- (8) Komisija donosi Poslovnik o svom radu kojim bliže uređuje način rada i o svom radu sačinjava zapisnik i isti dostavlja Ministarstvu uz Preliminarnu rang listu odabranih aplikanata za dodjelu sredstava po Javnom pozivu sa prijedlogom iznosa sredstava i namjenom sredstava i Preliminarnu listu aplikanata čije su prijave neuredne, neblagovremene, nepotpune i neosnovane. Preliminarne liste se objavljuju na web stranici Vlade Kantona i Ministarstva.

- (9) Na objavljene Preliminarne liste svi kandidati imaju pravo prigovora u roku od pet dana od dana objavljivanja listi na Web stranicama Vlade Kantona i Ministarstva, a koji se podnosi Ministarstvu u pisanoj formi i o istom odlučuje Ministar za kulturu, sport i mlade (u daljem tekstu: Ministar) u roku od 8 dana od dana isteka roka za podnošenje prigovora.
- (10) Nakon odlučivanja po uložnim prigovorima, Ministar donosi Konačnu rang listu korisnika sredstava za dodjelu sredstava po Javnom pozivu koja se objavljuje na web stranicama Vlade Kantona i Ministarstva.
- (11) Na osnovu Konačne rang liste korisnika sredstava za dodjelu sredstava po Javnom pozivu, Ministarstvo donosi pojedinačne odluke o odobravanju finansijskih sredstava korisnicima.
- (12) Odabir korisnika za dodjelu stipendija za ostvarene studentske ili školske sportske rezultate vrši Ministarstvo u saradnji sa Sportskim savezom Kantona i Školskim sportskim savezom Tuzlanskog kantona, i to na način da Školski sportski savez Kantona po završetku školskog Kantonalnog i Federalnog takmičenja sačini spiskove učenika i trenera nastavnika/profesora koji su ostvarili školske sportske rezultate u školskoj 2023/2024 godini, te iste prosljedi Sportskom savezu Kantona najkasnije do 30.06.2024. godine. Sportski savez Kantona će sačiniti spiskove studenata koji su ostvarili studentske rezultate u akademskoj 2023/2024 godini, te pribaviti obaveznu dokumentaciju propisanu članom 12. stav (3) ove Odluke za sva lica navedena na spiskovima za ostvarene studentske i školske sportske rezultate, te na osnovu pribavljene dokumentacije utvrditi sportiste studente/učenike i trenere nastavnike/profesore koji ispunjavaju uslove iz člana 4. ove Odluke te konačan spisak lica koja ispunjavaju sve propisane uslove za dodjelu stipendija za ostvarene studentske ili školske sportske rezultate dostaviti Ministarstvu ovjeren pečatom i potpisom.
- (13) Na osnovu konačnog spiska iz stava (11) Ministarstvo donosi odluku o odobravanju finansijskih sredstava za ostvarene studentske i/ili školske sportske rezultate na koju saglasnost daje Vlada Kantona.
- (14) Rezultati o dodijeljenim stipendijama za ostvarene studentske i/ili školske sportske rezultate biti će objavljeni na web stranicama Ministarstva i Vlade Kantona.

## **Član 12.**

### **(Potrebna dokumentacija)**

- (1) Potrebna dokumentacija za dodjelu nagrade sportisti ili treneru (u daljem tekstu aplikant) je kako slijedi:
  - a) Potpisana biografija od strane aplikanta,
  - b) Uvjerenje o državljanstvu ne starije od tri mjeseca (original ili ovjerena kopija),
  - c) CIPS obrazac PBA3 ne stariji od 30 dana (original ili ovjerena kopija),
  - d) Izjava da aplikant nije lice koje prema članu 3. stav (6) Odluke nema pravo na dodjelu nagrade (potpisana od strane sportiste/trenera i ovjerena od strane nadležnog organa za ovjeru. Ukoliko se radi o maloljetnom licu roditelj/staratelj daje izjavu.),
  - e) Potvrda nadležnog sportskog saveza/sportskog saveza lica sa invaliditetom/olimpijskog komiteta/paraolimpijskog komiteta, koja mora biti potpisana od strane ovlaštenog lica i ovjerena pečatom nadležne institucije, dostavlja se za sportistu i za trenera koji je ostvario vrhunске ili zapažene sportske rezultate sportista međunarodnog „A“ i međunarodnog „B“ razreda na način da:

- Potvrda za aplikanta koji je ostvario vrhunske sportske rezultate treba da sadrži podatke o ostvarenom vrhunskom rezultatu (naziv takmičenja, ostvareni rezultat i kategoriju u kojoj je rezultat ostvaren), podatke da je aplikant u vrijeme ostvarenog rezultata aktivni sportista ili trener sportske organizacije sa područja Kantona (navesti sportsku organizaciju), da je registrovan u skladu sa pravilima određene grane sporta, da mu je utvrđena zdravstvena sposobnost za obavljanje sportskih aktivnosti u skladu sa Zakonom i da je rezultat ostvario kao član reprezentacije Bosne i Hercegovine (original potvrda potpisana od strane ovlaštenog lica i ovjerena pečatom nadležnog sportskog saveza). Uz potvrdu se dostavlja Ugovor između sportiste/trenera i navedene sportske organizacije.
  - Potvrda za aplikanta koji je ostvario zapažene sportske rezultate za sportistu međunarodnog „A“ i međunarodnog „B“ razreda treba da sadrži podatke o ostvarenom zapaženom rezultatu međunarodnog „A“ i međunarodnog „B“ razreda (naziv takmičenja i ostvaren rezultat), podatke da je aplikant u vrijeme ostvarenog rezultata aktivni sportista ili trener sportske organizacije sa područja Kantona (navesti sportsku organizaciju), da je registrovan u skladu sa pravilima određene grane sporta, da mu je utvrđena zdravstvena sposobnost za obavljanje sportskih aktivnosti u skladu sa Zakonom i da je rezultat ostvario kao član sportske organizacije sa područja Kantona (original potvrda potpisana od strane ovlaštenog lica i ovjerena pečatom nadležnog sportskog saveza). Uz potvrdu se dostavlja Ugovor između sportiste/trenera i navedene sportske organizacije.
- f) Potvrda banke o broju računa na koji se može izvršiti uplata nagrade. Ukoliko se radi o maloljetnom licu koje nema otvoren račun, roditelj/staratelj dostavlja potvrdu banke sa brojem računa na svoje ime,
- g) Izjava o korištenju ličnih podataka na propisanom obrascu koji je sastavni dio ove Odluke (original) koju podnosi aplikant, a ukoliko se radi o maloljetnom licu Izjavu podnosi zakonski zastupnik/roditelj/staratelj.
- (2) Potrebna dokumentacija za dodjelu stipendija sportistima i trenerima (u daljem tekstu: aplikant) koja se dostavlja prilikom prijave na Javni poziv je kako slijedi:
- a) Uvjerenje o državljanstvu ne starije od tri mjeseca (original ili ovjerena kopija),
  - b) CIPS obrazac PBA3 ne stariji od 30 dana (original ili ovjerena kopija),
  - c) Izjava na propisanom obrascu koji je sastavni dio Odluke da aplikant nije lice koje prema članu 4. stav (7) Odluke nema pravo na dodjelu stipendije (potpisana od strane sportiste/trenera i ovjerena od strane nadležnog organa za ovjeru. Ukoliko se radi o maloljetnom licu roditelj/staratelj daje izjavu.),
  - d) Potvrda nadležnog sportskog saveza/sportskog saveza lica sa invaliditetom/olimpijskog komiteta/paraolimpijskog komiteta/specijalne olimpijade, (original potvrda potpisana od strane ovlaštenog lica i ovjerena pečatom), dostavlja se za sportistu i za trenera koji je ostvario zapažene ili perspektivne ili sportske rezultate specijalne olimpijade na način da:
    - potvrda za aplikanta koji je ostvario zapažene sportske rezultate treba da sadrži podatke o ostvarenom zapaženom rezultatu (naziv takmičenja, ostvareni rezultat, godina u kojoj je rezultat ostvaren i kategoriju u kojoj je rezultat ostvaren, broj zemalja učesnica na takmičenju), podatke kojim se dokazuje da je aplikant u vrijeme ostvarenog rezultata aktivni sportista ili trener sportske organizacije sa područja Kantona (navesti sportsku organizaciju), da je registrovan u skladu sa pravilima određene grane sporta, da mu je utvrđena zdravstvena sposobnost za obavljanje sportskih aktivnosti u skladu sa Zakonom, da je rezultat ostvario kao član

reprezentacije Bosne i Hercegovine (ukoliko se radi o reprezentativnim rezultatima) ili kao član sportske organizacije sa područja Kantona (ukoliko se radi o klupskim rezultatima). Uz potvrdu se dostavlja Ugovor između sportiste/trenera i navedene sportske organizacije.

- potvrda za aplikanta koji je ostvario perspektivne sportske rezultate treba da sadrži podatke o ostvarenom perspektivnom rezultatu (naziv takmičenja, ostvareni rezultat, godina u kojoj je rezultat ostvaren i kategoriju u kojoj je rezultat ostvaren, broj zemalja učesnica na takmičenju), podatke da je aplikant u vrijeme ostvarenog rezultata aktivni sportista ili trener sportske organizacije sa područja Tuzlanskog kantona (navesti sportsku organizaciju), da je registrovan u skladu sa pravilima određene grane sporta, da mu je utvrđena zdravstvena sposobnost za obavljanje sportskih aktivnosti u skladu sa Zakonom, da je rezultat ostvario kao član reprezentacije Bosne i Hercegovine (ukoliko se radi o reprezentativnim rezultatima) ili kao član sportske organizacije sa područja Kantona (ukoliko se radi o klupskim rezultatima). Uz potvrdu se dostavlja Ugovor između sportiste/trenera i navedene sportske organizacije.
  - potvrda za aplikanta koji je ostvario sportske rezultate specijalne olimpijade treba da sadrži podatke o ostvarenom rezultatu specijalne olimpijade (naziv takmičenja i ostvaren rezultat), podatke da je aplikant u vrijeme ostvarenog rezultata aktivni sportista ili trener sportske organizacije sa područja Tuzlanskog kantona (navesti sportsku organizaciju), da je registrovan u skladu sa pravilima određene grane sporta, da mu je utvrđena zdravstvena sposobnost za obavljanje sportskih aktivnosti u skladu sa Zakonom i da je rezultat ostvario kao član reprezentacije Bosne i Hercegovine ili kao član sportske organizacije ukoliko se radi o rezultatu državnog prvaka. Uz potvrdu se dostavlja Ugovor između sportiste/trenera i navedene sportske organizacije.
- e) Potvrda banke o broju računa na koji se može izvršiti uplata stipendije. Ukoliko se radi o maloljetnom licu koje nema otvoren račun, roditelj/staratelj dostavlja potvrdu banke sa brojem računa na svoje ime,
- f) Aplikanti iz stava (2) ovog člana obavezni su dostaviti i dokumentaciju koja je navedena u aplikacijskom obrascu.
- (3) Potrebna dokumentacija za dodjelu stipendija za ostvarene studentske i školske sportske rezultate koju pribavlja Sportski savez Kantona u skladu sa članom 11. stav (11) ove Odluke je kako slijedi:
- a) Originalna potvrda obrazovne ustanove koja mora biti potpisana od strane ovlaštenog lica i ovjerena pečatom ustanove, dostavlja se za studenta ili učenika i za trenera nastavnika/profesora (u daljem tekstu aplikant) koji je ostvario studentske ili školske sportske rezultate na način da:
    - potvrda za studenta koji je ostvario studentske sportske rezultate treba da sadrži podatke iz kojih se vidi da isti u akademskoj 2023/2024 godini kao student pohađao nastavu u visokoobrazovnoj ustanovi sa područja Kantona, te da je u navedenom periodu bio član sportske ekipe iste visokoobrazovne ustanove, da je osvojio I-III mjesto na završnici Univerzijade ili Svjetskom studentskom prvenstvu (uz potvrdu se dostava kopija stranica indexa iz kojih se vide podaci o studentu i obrazovnoj ustanovi). Ukoliko se potvrda dostavlja za profesora ista treba da sadrži podatke iz kojih se vidi da je imenovan u akademskoj 2023/2024 godini zaposlen u visokoobrazovnoj ustanovi sa područja Kantona, te da je u navedenom periodu bio profesor sportske ekipe iste visokoobrazovne

ustanove, da je sa ekipom osvojio I-III mjesto na završnici Univerzijade ili Svjetskom studentskom prvenstvu.

- potvrda za učenika koji je ostvario školske sportske rezultate treba da sadrži podatke iz kojih se vidi da isti u školskoj 2023/2024 godini kao učenik pohađao nastavu u školskoj ustanovi sa područja Kantona, te da je u navedenom periodu bio član školske sportske ekipe iste školske ustanove, da je osvojio prvo mjesto na školskom sportskom takmičenju u školskoj 2023/2024 godini. Ukoliko se potvrda dostavlja za nastavnika/profesora ista treba da sadrži podatke iz kojih se vidi da je imenovani u školskoj 2023/2024 godini zaposlen u školskoj ustanovi te da je u navedenom periodu bio nastavnik/profesor sportske ekipe iste školske ustanove, da je sa ekipom osvojio prvo mjesto na školskom sportskom takmičenju u školskoj 2023/2024.
- b) Potvrda banke o broju računa na koji se može izvršiti uplata stipendije. Ukoliko se radi o maloljetnim licima koja nemaju otvoren račun, roditelj/staratelj dostavlja potvrdu banke sa brojem računa na svoje ime,
- c) Izjava o korištenju ličnih podataka na propisanom obrascu koji je sastavni dio ove Odluke (original) koju podnosi aplikant, a ukoliko se radi o maloljetnom licu Izjavu podnosi zakonski zastupnik/roditelj/staratelj.

## V – PRELAZNE I ZAVRŠNE ODREDBE

### Član 13.

Sportski savez Kantona je dužan do 15.07.2024. godine dostaviti Ministarstvu konačan spisak lica koja ispunjavaju propisane uslove za dodjelu stipendija za ostvarene studentske i školske sportske rezultate u skladu sa članom 11. stav (11) ove Odluke.

### Član 14.


Stupanjem na snagu ove Odluke prestaje da važi Odluka o utvrđivanju kriterija za dodjelu kantonalne nagrade, priznanja i stipendija za sport za 2023. godinu u Tuzlanskom kantonu („Službene novine Tuzlanskog kantona“, broj: 19/23).

### Član 15.

#### (Stupanje na snagu Odluke)

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
V L A D A



PREMIJER KANTONA  
Irfan Halilagić

Broj: 02/1-36-12882-1/24  
Tuzla, 21.05.2024. godine